

NYAMUHANGA NINA BASATHU?

ERIYITHEGHERERYA OBUHUGHU AHAKATHI-KATHI KA NYAMUHANGA NA YESU

Ghukendiminya erisubirya lye bibulyo bino wabirisoma akathabu kano:

1. Nibuhughukyi obulhi ahakathi-kathi ka nyamuhanga na Yesu?
2. Amasako abuyirire akahulha Yesu athikyi?
3. Ekyangaleka Yesu iniathabya nyamuhanga nikyi?
4. Mulimu abuyirireni nindi kutse nikyi?
5. Obuhugu bwa nyamuhanga na Yesu kwasabya buthi omwabirow ebikasa?

1. Nibuhughukyi obulhi ahakathi-kathi ka nyamuhanga na Yesu? Halhi emilondo minene omwa Biblia eyikakanaya ndeki-ndeke okwa buhugu bwa nyamuhanga na Yesu. E Biblia yikathulhagho yithi Yesu nimughalha wa nyamuhanga. Yikongera erithulhagho yithi nyamuhanga ni thatha wa Yesu Kristo.

Kino kyamalaika abwira Maria: "Kandi lebaya, wasyaheka obukule n'eributa omughala, neryo wasyamwahula mu Yesu. Asyabya mukulu, kandi asyahulwa mo mughalha wa nyamuhanga w'endata kutsibu. Omukama nyamuhanga asyamuha ekyitumbi ky'obwami kya tata-kulu wuwe Dawadi"(Luka 1:31, 32).

Omughulu Yesu abatizibawa, omulenge mwalwa elubula athi: "Oyu nimughalha waghe mwanze, ngamutsemera ndeke" (Matayo 3:17). Ngabatata munabwire kubakatsemera abana abowa na nyamuhanga kwane atya aliryo, ngoku thatha womundu syingene na mughalha. Nyamuhanga nayo syalingirirene na mughalha wiwe, Yesu.

Yesu iyo nikiminyikalo kwenene ky'eribyaho lya nyamuhanga (Abaebrania 1:3). Ghukabya wamayirebya omwa ndabaramu, ghukalangira ekisosekanio kyaghu. Aliryo, kinyamubiri ekisosekanio ekyaghukalhangira siwe: nikiminyisyo. Omwanzira iyanenguma Yesu syalingirirene na nyamuhanga. Ni kisosekanio kya emibere ya nyamuhanga okwa bandu.

Abathatha bakabyaho embere wa bana babo nyamuhanga aliho emighulu yosi. Aliryo Yesu, nga mughalha, eyihi. Petero akathulhagho athi nyamuhanga "ayisogha Kristo ekihugu kyite kyahangikwa" nikwa abirihulhuka omwa "Biro ebi by'enyuma-nyuma busana nenyu" (1 Petero 1:20).

Yesu mwatabyaho erihika ahabuthirawa. Mwabutwa kusangwa "Nyamuhanga mwanza ekyihugu ky'atya, Kyaleka iniaha mughalha wuwe, ekyusa kyiwe,

neryo oyukamwikiriraya siahere, nikwa abye n'engebe y'erikota" (Yoane 3:16). Nyamuhanga mwahayo mughala wiwe. Ninakyolo eriyitheghererya ebinywa ebi?

Ngoku nyamuhanga ahulha Yesu mo "Mughalha wiwe omwanze," ko litya Yesu nayo abya akahulha nyamuhanga mo thatha wiwe. Yesu mwabugha athi: "Ngaya ewa thatha; kusangwa andengire" (Yoane 14:28). Nyamuhanga amabya inialengire Yesu, bakathoka eribya ibalingirirene bathi?

Babere babulya Yesu endambi yerihwererera ly'emighuhu, Yesu mwabugha athi: "Nikwa sihali mundu oyo wasi erihika ly'ekiro ekyo kutse endambi eyo, nomobangabya kutse omughala, nina thatha yunasi iyowene" (Mariko 13:32). Nyamuhanga amabya iyiwasi, Yesu athasi, bakathoka erilingirirana bathi?

Enyuma w'erilhubuka Yesu mwabugha athi: "Ngahethukira ewa thatha waghe, na thatha wenyu. N'ewa nyamuhanga waghe, n'ewa nyamunaga wenyu" (Yoane 20:17). Omukwenda Paulo akahulha nyamuhanga "Nyamuhanga na thatha w'omukama Yesu" (2 Abanya Korinto 11:31). Nyamuhanga na Yesu buli mundu ali bwiwe.

Abakwenda Paulo ny Yoane obuhughu obuli ahakthi-kathi ka nyamuhanga na Yesu. Paulo mwabugha athi: "Kristo nimukulhu w'obuli mundu Kandi nyamuhanga nimukulhu wa Kristo" (1 Abanya Korinto 11:3). Oko mughulhu ono, Yesu abya iniabiryambalha omubiri gho buthaholha, iniane elhubulha, aliryo isyalingirirene na nyamuhanga.

Omwakwenene, Yesu erihika na lino akine mundu, butsira nyamuhanga. Paulo akathubwira, "Kusangwa hali nyamuhanga mughuma. N'omusangania mughuma, oyukasanganaya nyamuhanga n'abandu; omundu oyo ni Kristo Yesu" (1 Timoteo 2:5). Nyamuhanga syalyahulhawamo mundu. Yesu syalyahulhawa mo "Nyamuhanga omughala." Ababiri sibasosene.

Yoane mwabugha, "Kandi oyukaligha athi, Yesu nimughalha wa nyamuhanga, neryo nyamuhanga ikere omwiye kandi naye omu nyamuhanga" (1Yoane 4:15). Ahathe erithika-thika: "Yesu ni mughalha wa nyamuhanga" okwenene. 2. Amasako abuyirire akahulha Yesu athikiyi? Emighulhu minene Yesu akahulhawamo "Yesu," "Kristo," "Mukhama" kandi "Mukangirirya." Akahulhawamo:

- a) Mughalha gh'omundu (Mirundi 81)
- b) Mughalha wa nymuhanga (Mirundi 27)
- c) Mughalha wa Dawidi (Mirundi 17)
- d) Mughalha omwanze (Mirundi 8)

Yesu akhulhawa "M'omughalha ghomundu" kusangwa mwabutwa omukali: "Mughalha wa nyamuhanga" kusangwa nyamuhanga abya thatha wiwe; "Mughalha wa Dawidi" kusangwa amabutwa wiwe atwukire okomwami Dawidi kandi akendisyasubulha oko kihugho ng'omukama erisyikalha oko kithumbi kya

Dawidi (Luka 1:32, 33); kandi "Mughalha omwanze" kusangwa abya akowa nyamuhanga, thatha wiwe.

Omwamilondo eyosi eyi 133 Yesu akahulhawamo mughalha. Syalingirirene na nyamuhanga thatha thutholere erikirirya obwino nebyerireberyako ebya e biblia yikathuhereraya omwabuswire.

3. Ekyangaleka Yesu iniatabya nyamuhanga nikyi?

Nomukyine indi nyamuhanga na Yesu bawithe ekighendererwa kighuma, omubiri wabo syasosene.

Nyamuhanga mwaha Adamu eriyitwiramo. Adamu mwakolha ekiibi omwithendyowa erihana n'ebilhaghiro bya nyamuhanga ekyabyakyalwiremo, obuli mundu wosi niweriholha. Erilhetha omulhamo, omundu oyuthawithe bibi mwasubya obuhughu bw'omundu na nyamuhanga. Oyuwabya athawithe malolo busana nerilhamya abandu ni Yesu Kristo (1 Abanya Korinto 15:20-23, 42-49).

Nyamuhanga syangathokire erikolha omubiri oyo iyowene-wene, kusangwa syaliholha kandi syawithe kiibi. Nyamuhanga syalirengawako ne kyibi (Yakobo 1:13). Yeso iyo mwalengwako kandi mwaholha, anganabere imwakolha ebiibi aliryo mwathakolha kiibi (Abaebrania 2:18; 4:15). Nyamuhanga mwahayo mughalha, "Athi ekihugho erilhaba omwiyo kyangalhamibwa" (Yoane 3:17). "Omughulhu twabya tukyine bakolha-nabi, Kristo mwathuholhera," neryo "Kwilaba aho, Kristo asyathulhamya okwihithana lya nyamuhanga" (Abanya Roma 5:8, 9).

Nyamuhanga syangakolha kiibi, kutse eriholha. Busana nekyo, mwalhetha omulhamu erilhaba omu Yesu Kristo, oyuwaholha busana nethu. Yesu kwathakolha kiibi, erikinda ekiibi siryangathungire mubongo. Busana nekyi, Yesu syangabya mughuma ghokwa ba "Nyamuhanga abasathu".

4. Mulimu abuyirire nindi kutwe nikyi? Twamabiriminya indi nyamuhanga na Yesu sibalikolha ebipindi bibiri byoku "Nyamuhanga abasathu." Eki kikamanyisaya indi mulimu abuyirire syangabya wa kasathu okwa kindu ekitheho.

Ebiblia Yikathulhagho yithi mulimu abuyirire bwo buthoki bwa nyamuhanga. simundu, oyukatheghekanaya emikolere. Nyamuhanga yukathegheka omulimu wiwe. N'omulaika mwabira Maria athi "Omulimu abuyirire asyakuhihako, n'obuthokyi b'owendata kutsibu bwasyakusukulirya; busana n'omwatsi oyo, omwana abuyirire oyo wasyabutha, asyahulwamo mughalha wa nyamuhanga" (Luka 1:35). Hano okwenene kukayikanganaya ndeke. Nyamuhanga mwakolesya obuthokyi bwiwe erirethaho Yesu, mughalha wiwe.

5. Obuhughu bwa nyamuhanga na Yesu kwasabya buthi omwabiwo ebikasa. Nomubine bithi Yesu munabwire ambere obuthaholha, olhukwamirwa lwiwe lhune lwambaghane okolwa nyamuhanga. Lhuba nyamuhanga akendithuma Yesu erisubulha okwa kihugho erisyathabalha obwami bwiwe (Zakalia 9:9, 10;

Matayo 25:31). Yesu akendisyathabalha ngo Mukama, erihika ahakendisyasubulhira nyamuhanga obukama obo. Yesu, mughalha wa nyamuhanga oyuwambithe obuthaholha, asyabya ahisi siwe "Nyamuhanga asyathabalha ndeke oko byosi" (1 Abanya Korinto 15:23-28).

Nethu, litya, twanginabya om'obwami bwa nyamuhanga. Erithuga omuyisa wengebe eyakera. Nakera Yesu akasubulha, thutolere:

- a) Itwikirirya ekinywa kya nyamuhanga na eritheya ebihano biwe;
- b) Itwayithungira ekisembo kyobughuli bunene kya "Mughalha wiwe omwanze"; kandi
- c) Erilhangira omughasu womubiri wa Yesu, "Oyuwaholha busana nethu."

Leka Yesu abughe ekyerighunzerera: "Neryo eyi ni ngebe y'erikota, abandu bakuminye, uwe nyamuhanga mughuma w'exwenene, n'eriminye Yesu Kristo, oyo wathuma" (Yohana 17:3).

Wamanza eriminye binene okwebi neyindi myatsi ye
Biblea bulaya omu Christadelphian oyulhi hakuhi naghy
kutse sakangira:
BALUMU NICODEMOS
PO BOX 439
KASESE